

## Հ Ա Շ Վ Ե Տ Վ ՈՒ Թ Յ ՈՒ Ն

ՀՀ տրանսպորտի, կապի և տեղեկատվական տեխնոլոգիաների նախարարի տեղակալ  
Գեղամ Վարդանյանի գործուղման արդյունքների մասին

- **ԳՈՐԾՈՒՂՎԱԾ ԱՆՁ**

Գեղամ Վարդանյան

- **ԶԲԱՂԵՑՐԱԾ ՊԱՇՏՈՆ**

ՀՀ տրանսպորտի, կապի և տեղեկատվական տեխնոլոգիաների նախարարի տեղակալ

- **ԳՈՐԾՈՒՂՄԱՆ ՎԱՅՐԸ ԵՎ ԺԱՄԿԵՏՆԵՐԸ**

Ք. Բուխարեստ (Ռումինիայի Հանրապետություն), 2019 թվականի փետրվարի 27-ից մարտի 1-ը

- **ՀՐԱՎԻՐՈՂ ԿՈՂՄ**

Ռումինիայի Հանրապետության կապի և տեղեկատվական հասարակության նախարարություն

- **ԳՈՐԾՈՒՂՄԱՆ ՆՊԱՏԱԿ**

Թվային համագործակցության գործում առաջընթաց ձեռքբերելու Հռչակագրի հաստատում և ԱլԳ տարածաշրջանի հարցերի քննարկում

- **ՔՆՆԱՐԿՎԱԾ ԹԵՄԱՆԵՐ**

2019թ. փետրվարի 28-ին քաղաք Բուխարեստում (Ռումինիայի Հանրապետություն) տեղի է ունեցել Թվային տնտեսության վերաբերյալ Արևելյան գործընկերության նախարարական հանդիպումը, որն անցկացվել է Եվրոպական Միության Խորհրդում Ռումինիայի նախագահության ներքո՝ Եվրոպական Հանձնաժողովի համանախագահությամբ:

Եվրոպական Միության Խորհրդի Ռումինիայի նախագահությունը նախարարական հանդիպման շրջանակներում նախանշել են ԱլԳ Գազաթաժողովի կողմից հաստատված 2020 թ.-ի համար կատարվող աշխատանքները՝ միաժամանակ տոնելով նաև Արևելյան Գործընկերության տասնամյակը:

Թվային տնտեսության վերաբերյալ Արևելյան Գործընկերության նախարարական երրորդ նիստի նպատակը 2017 թ. ի վեր գրանցված առաջընթացի և ձեռքբերումների քննարկումն է, մասնավորապես՝ «EU4Digital» բրենդի ներքո առաջին ԵՄ

Ֆինանսավորվող գործողության և ԱԳ գործընկերների միջև տարածաշրջանային ռոունինգ համաձայնագրի ուղղությամբ ճանապարհային քարտեզի մեկնարկը, թվային տնտեսության հետ կապված գալիք տարիների պլանները, խոչնդոտները և հնարավորությունները:

• **ՀԱՆԴԻՊՈՒՄՆԵՐ, ԱՐԴՅՈՒՆՔՆԵՐ**

Նախարարական հանդիպմանը հաստատվել է 2017թ. հոկտեմբերի 5-ի Տալլինի Նախարարական Հռչակագիրը, ըստ որի մասնակիցները հաստատել են իրենց ձգտումը խորացնել համագործակցությունը հետևյալ ոլորտներում՝

- Էլեկտրոնային հաղորդակցություններ և ենթակառուցվածքներ,
- Ապահովություն և անվտանգություն,
- Էլեկտրոնային առևտուր,
- Թվային հմտություններ,
- S<S նորարարություն և ստարտափների էկոհամակարգեր,
- Էլեկտրոնային առողջապահություն:

Նախարարական հանդիպման ընթացքում քննարկվել է Արևելյան Գործընկերության երկրներում թվային շուկաների ներդաշնակեցման հարցը, քանի որ դա ընդլայնում է Եվրոպական Միության Թվային միասնական շուկայական ռազմավարության օգտակարությունը մինչև 70 միլիոն սպառողների ԱԳ տարածաշրջանում, հանգեցնում է տնտեսական աճի, ստեղծում է ավելի շատ աշխատատեղեր, բարելավում է մարդկանց կյանքի պայմանները և օժանդակում է գործարարությանը: Քննարկվել է նաև ԱԳ տարածաշրջանում թվային տնտեսության խոչնդոտներն ու հնարավորությունները:

«Տորանսպորտի, կապի և տեղեկատվական տեխնոլոգիաների նախարարի տեղակալ Գեղամ Վարդանյանը հանդիպումներ է ունեցել ԱԳ երկրների նախարարական պատվիրակության անդամների, մասնագիտացված ասոցիացիաների, Քաղաքացիական Հասարակություն Ֆորումի, EU4Digital նախագծի կոնսորցիումի, միջազգային ֆինանսական հաստատությունների, հետազոտական և ուսումնական ցանցերի ներկայացուցիչների, ինչպես նաև Եվրոպական հանձնաժողովի թվային շուկայի հարցերով նախագահ Անդրյուս Անսիպի, Վրաստանի էկոնոմիկայի և կայուն զարգացման նախարարի տեղակալ Լաշա Միկավայի, Բուլղարիայի տրանսպորտի, կապի և ՏՏ նախարար Ռոսսեն Ջելիազկովի, Լիտվիայի էկոնոմիկայի և նորարարության փոխնախարար Մարիուս Սկուդիսի, Ռումինիայի կապի և ինֆորմացիոն հասարակության նախարար Ալեքսանդրու Պետրեսկուի,

Ռումինիայի կապի և ինֆորմացիոն հասարակության նախարարության քաղաքական  
նազմավարության և միջազգային հարաբերությունների տնօրենների խորհրդի նախագահ  
Քրիստիան Իյե, Մոլդովայի էկոնոմիկայի և ենթակառուցվածքների նախարարության  
գլխավոր քարտուղար Վիտալի Թառլևի, Բելառուսի կապի և տեղեկատվության նախարար  
Շուլգան Կոնստանտինի, Չեխիայի արդյունաբերության և առևտրի նախարար Մարտջա  
Նովակովայի, Էստոնիայի Արտաքին գործերի նախարարության թվային հարցերի գծով  
դեսպան Նիրկ Թոնիսի և այլոց հետ, որոնց շրջանակներում քննարկվել են ապագա  
համագործակցության հեռանկարները:

- **ՍՏՈՐԱԳՐՈՒԹՅՈՒՆ**

«Տորանսպորտի, կապի և տեղեկատվական  
տեխնոլոգիաների նախարարի տեղակալ՝

**Գեղամ Վարդանյան**